

30 июля. Святого Иоанна, воина и чудотворца.



Служба на пáмать с̑́аг̑́ω іωáнна,
вóнна и̑́ ч̑́дотвóрца.

Сборникъ для мужского хора

Редакція и составленне Г.Смирнова
Храмъ Воздвиженна Честнаго Креста въ Алтѣфьво.

✠ ѠѠа

НА ВЕЛИЦЕЙ ВЕЧЕРНИ

Блажён муж: 1-й антифён.

НА ГОСПОДИ, ВОЗЗВАХ: СТИХИРЫ НА 8, ГЛАС 2.

Подобен: Егда от Дре́ва:

Егда́ тленному царю во́инствуя на земли,/ верен Богу Иоанне, воин бы́л еси́,/ тогда́ Небе́снаго Царя Христа по́мощь при́йм,/ мучеником Христовым помога́я,/ побежда́л еси враги видимыя и невидимыя:/ и ныне со Ангельскими силами и воинствы в Вышних лику́еши./ Те́мже блаже́нне страстоно́сче, // Спасителю всех за ны молися, спасти души на́ша.

Земно́е воинство оста́вити восхотéв,/ Небе́сному Царю Христу потщался еси угодíti:/ véрою бо в Него воору́жився,/ си́лою Честнаго Креста́ Его́/ во́ин крепок, Иоанне, обрёлся еси́,/ от мучи́телей злочестивых мученики Христовы сохраня́я // моли́твами твоими к Богу, блаже́нне.

Егда́ véрою во Христа Бога и моли́твою/ преподобных жребий получитьи возжелáл еси́,/ тогда́ веры ради Христовы мучащимся спосо́бствовал еси́./ Сего ради даровании чудес обогати тя Христо́с Госпо́дь:/ в разли́чных бо скорбех призыва́ющим тя/ помощник скор обрета́ешися./ Те́мже молися Бо́гу о на́с // творящих всечестную па́мять твою́.

Ины стихи́ры, глас то́йже.

Подобен: Ки́ими похва́льными:

Прииди́те, святолю́бцы,/ вси́ духовно возвеселимся и торжеству́им,/ сла́вяще Христа и Бога на́шего,/ я́ко пребогатую трапезу днесь на́м предложí,/ па́мьть сла́внаго мученика и добляго воина Иоáнна,/ помощника всем в

скóрбех,/ и злых дѣл обличителя,/ и погублений тайных явителя,// просящим его по́мощи.

Богодарованную благодать Иоанна восхвалим песнопѣнии,/ благочестия поборника, храброго воина,/ изящнаго чудотворца, помощника обидимым,/ благоверным предстателя, и врача безмѣднаго,/ в во́инстве ратоборца, и от напрасных смертей хранителя,/ и путей благих извѣстника:// молится бо Богу вся люди благоде́йствовати́.

Преблаженне добропобедный Ио́анне,/ во́ине крепкий Всетворца нашего Бо́га,/ ты́ душе́вное твое благородие Богоизбранне соблю́л еси́:/ презре́в суету и прелести мѣра,/ человеколю́бне сущим в мучениих спострада́л еси́./ И ны́не в Небесех со Христом сладце водворя́ешия:/ отню́дуже назирай и сохраняй в ратоборстве и во всяких злоклю́чениих// вся призыва́ющия тя́.

Что́ тебе принесем, Творче Бо́же?/ ко́е воздадим благодарѣние?/ яко даровал еси́ людем Твоим истинную благодать, святаго Ио́анна,/ во́ина благочестива, милости творителя,/ на бранех воином спосо́бника,/ всяких печалей утѣшителя,/ и моли́твенника Тебе во спасение наше тѣплаго.// Тѣмже ради милости Твоея спаси ны, Владыко Человеколю́бче.

Сла́ва, гла́с 6:

За Христа усердно, Ио́анне,/ подвизався с мученики Христо́выми,/ в вере благочестивей христианом помоществу́я,/ яко воин изряден твоему Владыце бы́л еси́./ Требующим подавая пита́ние,/ и милостыню изобильно нищим уготавли́я,/ небре́гл еси́ повеления Иулиана законопресту́пнаго царя́:/ разруша́я же мучительныя его сосу́ды,/ изящен добропобедник в Православии яви́лся

еси./ Тѣмже прешел еси в Небесныя крѡвы,/ и тамо Христа Иисуса всерадостно зрѣши,/ Иже нетленным увязе тѣ венцѣм:/ Егоже, всеблаженне, непрестанно моли, // вечнаго блаженства сподобитися достойно чѣствующим тѣ.

И ныне, Богородичен:

Кто Тебе не ублажит, Пресвятая Дѣво;/ кто ли не восплет Твоего Пречистаго Рождествѣ;/ безлетно бо от Отца Возсиявый Сын Единородный,/ Тойже от Тебе, Чистыя, прѡйде,/ неизреченно воплощся:/ естеством Бѡг сый,/ и естеством быв Человѣк нас ради,/ не во двою лицу разделяемый,/ но во двою естеству неслитно познаваемый./ Того моли, Чистая, Всеблаженная, // помилуватися душам нашим.

Вход. Прокімен дне. И чтѣнія 3 мученическая (зри день 24-й).

НА ЛИТИИ СТИХИРЫ, ГЛАС 8:

Мучениче Христов прехвальне Иоанне,/ гонителя беззаконнаго царя стремлѣния/ и нуждную смѣрть ни во чтоже вменил еси,/ благодарзостно и мужемудренно ополчився к борѣнием./ Тѣмже победоносною славою венчався,/ причѣлся еси всѣм праведным, // с нимиже тѣ хваляще ублажаем.

Мучениче Христов, преблаженне Иоанне,/ видя Христовы мученики, на закланіе ведомы,/ друголюбно онем помогал еси./ Страдати бо до крѡве и смѣрти тѣя поучая, глаголал еси:/ ничтоже есть zde наше страданіе/ противу будущаго в Небесѣх воздаянія./ Таже и сам спострадати тем/ любвѣ ради Творца твоего подвиглся еси,/ сего ради, от Христа Бѡга чудес дарованіе приѣм,/

в различных напáстех страждущим помога́еши/ и изыма́еши от лю́тых бед сла́вляюща Го́спода/ и чествую́щая любóвию священна́я твоя́ страда́ния.

Мучениче Господень, непобедимый Иоáнне,/ благода́ти нося́ имя,/ благода́ть и ми́лость подава́еши ве́рно моли́твами тя призыва́ющим/ и приво́диши в ра́дость лю́ди богому́дрыя,/ ве́рно в по́мощь напáстей свои́х зову́щия тя/ и чествую́щая священнора́достную па́мять твою́,/ те́мже моли́ся Христу́ Иису́су,/ да спасе́т ны от всех бед, я́ко Всеси́лен.

Сла́ва, глас 4:

Кто не удиви́тся, или́ кто не просла́вит,/ или́ не воспоёт верному́драго и сла́внаго Христо́ва во́ина Иоáнна чуде́са?/ я́ко и по честне́м своём преставле́нии/ всем подаёт, притека́ющим усер́дно к нему́, премно́гая врачевства́:/ и́бо честны́я и святы́я его́ мо́щи/ источа́ют благода́ть избы́льну в полéзная проше́ния./ Те́мже благоче́стно вопие́м ему́:/ моли́ непреста́нно Го́спода,/ да спасе́т вся правосла́вныя лю́ди,/ ве́рою во святы́й твой храм притека́ющия/ и прося́щия те́плага к Бо́гу заступле́ния,/ тебе́ бо усер́дна ходата́я к Нему́́ и́мамы/ и моли́твенника о душа́х на́ших.

И ны́не, Богоро́дичен:

Призри на моления Твоих раб, Всенепоро́чная,/ утоляю́щи лю́тая на ны воста́ния,/ всякия скорби нас изменя́ющия./ Тя бо, Едину, твердое и известное утвержде́ние и́мамы,/ и Твое предста́тельство стяжа́хом./ Да не постыдимся, Владычице, Тя призыва́ющии,/ потщися на умоле́ние Тебе́ верно вопию́щих:/ раду́йся, Владычице, всех помо́щи, радости и покрове, // и спасе́ние ду́ш на́ших.

На Стиховне, глас 4.

Подобен "Яко добля в мученицех"

Напева Оптиной Пустыни

Излож. Г.Смирнова

① Из глубины воззвах к Тебе, Господи,

② Да будут уши Твои

Т.1
Т.2

Гос - по - ди, у - слы - ши глас мой. вне - млю - ще гла - су мо -

ле - ни - я мо - е - го. Мно - го - об - раз - ны - ми мучении лю - тый

му - чи - тель каз - нити предаде свято - е те - ло тво - е.

Ты же, Бо - го - мыс - лен - не И - о - ан - не, не от - верг - л - ся е -

си Хри - ста, ни ку - ми - ром по - жерл е - си,

но претерпел еси доб - лест - вен - не, о - жидая будущего воз - да -

я - ни - я, не-кончаемаго в Бозе на-слаж-де - ни - я.

③ Праведник, яко финикс, процветет,

я - ко кедр, иже в Лива-не, у-мно - жит - ся. Доб-ро-де - тель-ным

тво-им жи-ти-ем мир презрел еси, Иоанне чу-до-твор - че,

и, ве-ли-е ми-ло-сер - ди-е хри-сти-а - ном в чиноначальстве

твоего воинства со-тво-ря - я, в сво-бо-ду о-нех пу -

щал е-си. От-нюдуже и сам за Христа Бо - га в ве-ре Пра-во-

слав-ней по-стра-дав, при-ял еси наследие вечна-го бла-жен - ства.

④ Насаждени в дому Господни,

во дво-рех Бо-га на - ше-го про-цве-тут. Ис-це-ле - ний да-ро -

ва-ни-е ис-то-ча - ют тво-я, слав-не, мо - щи

чест-ву-ю-щим тя у-серд - но, по-топ-ля-ю-ща стра - сти

иврачующа недуги, И-о - ан - не, иразоряют лукавых демо-

нов тол - пы, на - по - я - ют же вер - ных серд - ца,

и - же прозябают добродетелей пло - ды Бо - жест - вен - ны - я

и бла - го - чес - ти - я ра - зу - ме - ни - е.

НА СТИХОВНЕ СТИХИРЫ, ГЛАС 4.

Подобен: Яко добля в мученицех:

Многообразными мучении лютый мучитель/ казнити предаде святое тело твоё./ Ты же, Богомысленне Иоанне,/ не отверглся еси Христа,/ ни кумиром пожёрл еси,/ но претерпел еси доблественне,/ ожидая будущаго воздаяния, // некончаемаго в Бозе наслаждения.

Стих: Праведник, яко финикс, процветёт,/ яко кедр, иже в Ливане, умножится.

Добродетельным твоим житием/ мир презрел еси, Иоанне чудотворче,/ и, велие милосердие христианом/ в чиноначальстве твоего воинства сотворяя,/ в свободу оных пушал еси./ Отнюдуже и сам за Христа Бога/ в вере Православней пострадав,/ приял еси наследие вечнаго блаженства.

Стих: Насаждени в дому Господни,/ во дворех Бога нашего процветут.

Исцелений дарование источают/ твоя, славне, мочи/ чествующим тя усердно,/ потопляюща страсти/ и врачующа недуги, Иоанне,/ и разоряют лукавых демонов толпы,/ напоят же верных сердца,/ иже прозябают добродетелей плоды Божественныя/ и благочестия разумение.

Слава, глас 8:

Приидите, христолюбивии людие,/ добрый подвиг и благодушное мужество/ во благоверии сотворенное разумне созерцаим./ Новый бо венечник Иоанн,/ великий молитвенник и мученик,/ сие вопиет царю богомерзкому, законопреступному Иулиану:/ злокозненными твоими словесы/ в сладострастие суетнаго сего мира не можеш мя прельстити,/ ниже отлучиши любви Всетворца моего Бога,/ аз бо на Него уповаю/ и к Немю все мое желание простираю,/ да Его Небеснаго Царствия буду наследник./ Темже, славяще Христа Царя, мученика хвалим/ и усердно днесь в памяти его просим:/ святе Иоанне, молися выну мир миру даровати// и душам нашим велию милость.

И ныне, Богородичен:

Владычице, прими молитвы раб Твоих// и избави нас от всякия нужды и печали.

Тропарь, глас 4:

Всеблагаго Бóга и Царя/ благовѣрный раб и воин явился еси, Иоанне чудодѣтелю:/ пострадав бо ради веры мужески,/ блаженно же скончав течѣние,/ зриши Всетворца Господа в Небесех светлейше./ От Негоже прием дарованіе чудес,/ страждущим человеком во всяких напастех помогаеши:/ укрепляеши воины в ратех:/ от врагов пленения, ран же и внешних смертей/ и от бед лютых изымаеши./ Темже моли Владыку Христа, приснопамятне,/ да во всяком обстоянии сотворит нам милость,/ и не введет нас во искушения,/ но спасет души наша,// яко Человеколюбец.

Ин тропарь мученика, глас 8:

Блаженство Евангельское, Богомудре Иоанне,/ чистоту сердца девством почтил еси./ Темже суету мира сего пренебрег,/ устремился еси зрети Бóга,/ Иже ты прослави чудесы во врачевании различне страждущих,/ сего ради молим тя, проси нам у Христа Господа всяких скорбей избавления// и получения Царства Небеснаго.

Слава, и ныне, Богородичен.

НА УТРЕНИ

На Бог Господь: тропарь святаго, дважды. Слава, и ныне, Богородичен во глас тропаря.

По 1-й стихологии седален, глас 1.

Подобен: Гроб Твой, Спасе:

Страсти честных вѣдев мучеников и тех целовав узы,/ на высоту востекл еси свидетельства, пречудне,/ и желание все ко Христу возложив, страждущим помогаая и алчущия питаая,/ всем милостивый заступник был еси,/ дондеже в руке Господни душу твою предал еси, Иоанне многострадальне.

Слава, и ныне, Богородичен:

Надежду христиан, Пресвятая Дево,/ Егоже родила еси, Бóга, паче ума и слова,/ непрестанно моли с Вышними силами и со страстотерпцем Иоанном/ дати оставление грехов нам всем и исправление жития,/ верою и любовью присно Тя прославляющим.

По 2-й стихоло́гии седа́лен, глас 8.

Подобен: Премудрости:

Царю́ веко́в Безсме́ртному угожда́я, истука́нным не пожёрл еси́,/ царя́ же беззако́ннаго
всѣкѣя сове́ты злоко́зненныя отрази́л еси́, сла́вне,/ Того́ ра́ди же́ртву тебе́ сама́го принёсл
еси́ Поже́ршемуся Сло́ву./ Тем и чуде́с источа́еши струи́,/ в напа́стех стра́ждущим
ми́лостивый предста́телю и моли́твенниче ко Христу́ Бо́гу,/ Иоа́нне вели́кий, во́ине Царя́
Христа́ Бо́га на́шего,/ Его́же моли́ грехо́в оставле́ние дарова́ти/ честву́ющим любо́вию свя-
ту́ю па́мь твою́.

Сла́ва, и ны́не, Богоро́дичен:

Со́лнца о́блаче разу́мнаго,/ Божество́ннаго све́та свети́льниче златоко́ванный,/ Не-
скве́рная, Небла́зная, Всенепоро́чная Влады́чице,/ омраче́нную ду́шу мою́ ослепле́нием
страсте́й безстра́стия заре́ю просвети́, молю́ся,/ и оскверне́нное моё се́рдце очи́сти пото́ки
умиле́ния,/ пока́ния же слеза́ми омы́й нечисто́ту дел мои́х, да любо́вию зову́ Ти:/ Бого-
ро́дице Присноде́во, моли́ Христа́ Бо́га прегреше́ний оставле́ние пода́ти ми,/ Тебе́ бо има́м
наде́жду, раб Твой.

Величание:

Велича́ем тя́,/ страсоте́рпче святы́й Иоа́нне,/ и чтимъ че́стна́я
страда́ния тво́я,/ я́же за Христа́// претерпе́л еси́.

Избранный псалом:

Бог нам прибе́жище и си́ла, помо́щник в ско́рбех, обрётших
ны́ зело́. Сего́ ра́ди не убой́мся, внегда́ смуща́ется земля́, и
прелага́ются горы́ в сердца́ морскы́я. Возшуме́ша и смя-
то́шася во́ды их, смято́шася горы́ крѣпостию́ Его́. Речна́я уст-
ремле́ния веселя́т градъ Бо́жий: оста́вил е́сть селѣние свое
Вы́шний. Бог посре́де его́, и не подви́жится: помо́жет ему́ Бог
утро зау́тра. Смято́шася язы́цы, уклони́шася ца́рствія: даде
глас свой Вы́шний, подви́жеся земля́. Госпо́дь сил с на́ми, за-
сту́пник наш Бог Иа́ковль. Прииди́те и ви́дите дела́ Бо́жия,
я́же положи́ чудеса́ на земли́: Отъе́мля брани́ до конце́ земли,
лук сокруши́т и сло́мит ору́жие, и щиты́ сожже́т огне́м. Уп-
раздните́ся и уразуме́йте, яко́ Азь есмь Бог: вознесу́ся во
язы́цех, вознесу́ся на земли́. Госпо́дь сил с нами́, засту́пник
наш Бог Иа́ковль. Сла́ва и ны́не: Аллилу́ия, аллилу́ия, алли-
лу́ия, сла́ва Тебе́ Бо́же. Трижды.

По полиеле́и седа́лен, глас 4.

Подобен: Удиви́ся Ио́сиф:

Яко́ до́блему страда́льцу и во́ину крѣпкому́ Всецарю́ющаго Христа́,/ взыва́ем ти, Иоа́нне:/
ра́дуйся, му́чеником украше́нне и ле́пото;/ ра́дуйся, све́тлая Це́ркве звездó и стено́ и приста́нище/
притека́ющим к тебе́, велико́му́чениче сла́вне, Иоа́нне во́ине./ Тя пою́щия спаса́й тво́ими мо-
ли́твами от вся́каго вре́да чужда́го/ и от лю́тых озлобле́ний изба́ви.

Сла́ва, и ны́не, Богоро́дичен: Я́ко к Цари́це, Небе́сныя си́лы превосходя́щей,/ су́щей Ма́тери Хри-
ста́ Бо́га на́шего, Державне́й Помо́щнице ро́да на́шего,/ припада́юще, мы, грѣшнии раба́ Твой,
умилѣ́нно вопие́м Тебе́:/ Влады́чице Де́во Мари́е Богоро́дице,/ во все вре́мя жи́зни на́шея присно

управляй ны в волю Господа Царя Небеснаго/ и сохраняй от всяких напастей и недугов душевных и телесных,/ не вверяючи человеков помощи, и помилуй ны, Всепетая.

Прокимен, глас 4: Праведник яко финикс процветет,/ яко кедр, иже в Ливане, умножится.

Стих: Насаждени в дому Господни, во дворех Бога нашего процветут.

По 50-м псалме,

Слава:/ молитвами страстотерпца Иоанна,/ Милостиве, очисти// множества согрешений наших.

И ныне:/ молитвами Богородицы:

Помилуй мя, Боже:

Стихира, глас 6:

Днесь созывает нас страстотерпца всемирное торжество:/ приидите, боголюбцы,/ светло празднуим память его, глаголюще:/ радуйся, великомучениче Иоанне,/ Царя Небеснаго воине непреборимый:/ ибо ты повеление безумное законопреступнаго царя Иулиана идолотчителя/ преобидел еси мужески:/ радуйся, блаженне, страстотерпцем Христовым помощнике,/ яко тыя в гонении от злочестивых в вере Православней утверждал еси,/ и им любезно сострадал еси:/ сего ради Христос дарованьми чудес обогатил тя есть:// моли убо Всеблагаго Бога спасти души наша.

Канон Богородицы на 6 и святого на 8 два канона.

Канон святого, глас 2.

Песнь 1

Ирмос: Грядите, людие,/ поим песнь Христу Богу,/ раздельшему море и наставльшему люди,/ иже изведе из работы египетския,/ яко прославися.

Светлое празднество твое, святе Иоанне, радостно на духовную трапезу нас созывает,/ в нейже учреждаеши ны вся, к тебе притекающия, дарованияи,/ в пользу прошения нам исполняя.

Подвигом добрым подвизався на земли, преблаженне Иоанне,/ и от злаго мучителя мученики Христовы сохраняя,/ приял еси от Христа Бога Небесную жизнь,/ отнюдуже в скорбех нам подаждь помощь.

Воинством истинным, Богомудре, злочестиваго царя небрег мучительства/ и богатство нищим Христа ради расточив,/ приял еси дар чудес от Бога,/ лукавыя человеки обличая, благочестивым способствуеши.

Во́инство земно́е небре́гл еси́,/ иногда́ Христа́ ра́ди тѣло своѣ удруча́я постомъ и моли́твою,/ и враги́ посрамилъ еси́./ Сего́ ра́ди и чудесы́ от Бо́га обогати́лся еси́.

Богорóдичен: Воплотися из Тебѣ боголѣпно Сло́во Безплóтное/ премно́жествомъ человеколю́биа, Пречи́стая Дѣво;/ Егóже, Влады́чице, моли́ вѣчное блаже́нство дарова́ти нам.

Други́й канóн, глас 1.

Песнь 1

Ирмо́с: Вознесу́ Тя, Бо́же, Спа́се мой,/ я́ко воскрѣсл еси́ от мѣртвых,/ попра́в смерть.

Иису́се, Спа́се наш,/ пода́ждь нам усѣрдие благодарити Тя о всемъ/ и восхвалити уго́дника Твоегó, Иоáнна.

Страстотѣрпче сла́вне Иоáнне,/ богомудрымъ смы́сломъ вво́инился еси́ Всетворцу́ Бо́гу,/ победи́ ўбо вся враги́ на́ша.

Зрѣти удосто́ивыйся Бо́га воплоще́на,/ всехва́льне во́ине, мо́лимъ тя:/ твои́ми мольба́ми изба́ви ны от всехъ бедъ.

Богорóдичен: Богора́дованная, Сло́ва Предвѣчнаго Пала́то, Мари́е Дѣво,/ милосѣрдиемъ Твои́мъ сердца́ на́ша в ско́рбехъ увеселя́й о Бо́зе прісно.

Песнь 3

Ирмо́с: На ка́мене мя ве́ры утверди́в,/ разшири́л еси́ уста́ моя́ на враги́ моя́,/ возвесели́ бо ся духъ мой, внигда́ пѣти:/ несть святъ, я́коже Богъ наш,/ и несть пра́веденъ, па́че Тебе́, Го́споди.

С мученики несумнѣнну ве́ру стяжа́в, благоду́шне,/ и Христу́ Иису́су быв во́ин, добродѣтельми обогати́лся еси́;/ те́мже соверша́ющимъ па́мять твою́ честную́ благо́е просвещѣние всегда́ да́руй.

Лука́внующимъ зле невидимый гонитель, мучениче Христовъ, явля́ешься/ и крадьбы́, в тайне сущия, открыва́еши,/ прия́л бо еси́ власть от Бо́га полезная ко спасѣнию всемъ содева́ти.

Я́коже столп непоколе́блемъ, се́рдце твоѣ, всечѣстне Иоáнне, имѣя,/ любóвь мученикомъ Христовымъ сотвори́л еси́, не боя́ся царѣва суровства́,/ те́мже в любви́ Господни утвержда́тися нам помози́.

Я́ко дерзнове́ние имѣя к Бо́гу, Иоáнне,/ во́ин ны́не Небе́сному Царю́ сый,/ проси́ нам грехо́в оставле́ния, пра́зднующимъ па́мять твою́.

Богорóдичен: Богорóдице, Ма́ти Го́спода Иису́са,/ со все́ми святы́ми Того́ моли́ изба́вити ны от всехъ бедъ и скорбе́й,/ я́ко да посра́мятся вси, явля́ющии рабо́мъ Твои́мъ зла́я,/ хвали́ти же с Сы́номъ Тя прісно нас сподóби.

Ин

Ирмо́с: Утвержде́й сло́вомъ Твои́мъ вселѣ́нную,/ я́же не подви́жится,/ утверди́ и на́шу мысль в страхъ Твой, Влады́ко Го́споди.

Тебе́, Творцу́ нашему́ Бо́гу, во вся́комъ обстоя́нии, припада́юще, мо́лимся:/ мученика Твоегó мольба́ми в во́ли и любви́ Твое́й утверди́ нас.

Тве́рдымъ умо́м стал еси́ на правоте́ богознáния, Богоблаже́нне Иоáнне,/ те́мже утвержда́й ду́ши на́ша во Го́споде наде́жду во всемъ полага́ти.

По́хоть плóти, по́хоть очесъ и го́рдость жити́я презрѣв,/ утверди́лся еси́ в любви́ Иису́сове, мучениче,/ нам в тойже помо́щникъ буди́.

Богорóдичен: Всеблаже́нная Влады́чице,/ утвержда́ющаго вся Христа́ Го́спода поро́ждши,/ в промы́сле Егó пребыва́ти укрепи ны всегда́.

Ин конда́к, глас 3:

Вели́кая ско́рбным лю́дем ра́дость в беда́х обрета́ешься,/ чу-
дотво́рче Иоа́нне,/ вся́кия бо стра́сти моля́щим тя врач́уеши,/ и/
исполня́я их проше́ния./ Те́мже и ны́не моли́ Го́спода, // да
спасе́т ны в ми́лости Свое́й.

Седáлен, глас 8.

Подóбен: Премудрости:

Царю́ Небесному́ и Творцу́ веко́в угожда́я присно,/ законопресту́пнаго Иули́ана мучи́теля вся зло-
кова́рныя и богоме́рзкия советы́ отразил еси́, сла́вне,/ и́долом безду́шным же́рты возбранив тво-
ри́ти,/ и та́ко в подвизе ду́шу твою́ в ру́це Го́споду Бо́гу предал еси́./ Егóже моли́, свя́те Иоа́нне,
прегреше́ний оставле́ние нам дарова́ти,/ честву́ющим святу́ю па́мять твою́.

Сла́ва: Му́жеством души́ ве́рою воору́жився,/ глаго́л Бо́жий, я́ко копие́, взем, врага́ уязвил еси́,/ му́чеником похвала́ и удо́брение, вели́кий Иоа́нне.

И ны́не, Богоро́дичен: О Тебе́ радуется, Благода́тная, вся́кая тварь,/ а́нгельский собо́р и чело-
вече́ский род,/ освяще́нный хра́ме и раю́ словесный,/ де́вственная похвало́,/ из Нея́же Бог вопло-
ти́ся, и Младене́ц бысть, пре́жде век Сый Бог наш:/ ложесна́ бо Твоя́ престо́л сотвори́/ и чре́во
Твое́ пространнее небес соде́ла./ О Тебе́ радуется, Благода́тная, вся́кая тварь, сла́ва Тебе́.

Песнь 4

Ирмо́с: Прише́л еси́ от Де́вы не ходата́й, ни А́нгел,/ но Сам,
Го́споди, вопло́щся,/ и спасл еси́ всего́ мя, челове́ка./ Тем зо-
ву́ Ти: сла́ва си́ле Твое́й, Го́споди.

Уподо́бился еси́ распенше́муся во́лею на Дре́ве Христу́ Бо́гу на́шему, всече́стне,/ срáспенся Ему́
вся́ким воздержáнием,/ моли́твою же, и ми́лостынею, и мно́гими добродей́ными.

Се да́же до сме́рти, Иоа́нне му́чениче, смири́лся еси́:/ святы́я бо тво́я мо́щи на ме́сте в погребéнии
стра́нных бы́ша сокрове́ны,/ сего́ ра́ди Госпо́дь по всей вселенней тебе́ просла́ви.

Царя́ престу́пника Иули́ана во́инство тленное во вла́сти содержáв,/ от того́ по́слан был еси́ убивáти
Христо́вы му́ченики./ Но ты, блаже́нне, ты́я храня́, в ве́ре утвержда́л еси́, во е́же пети́:/ сла́ва си́ле
Твое́й, Го́споди.

Небеснаго ра́ди ра́дования и б́дущаго пра́ведным весели́я/ земна́я вся оста́вил еси́ мудрова́ния,/ и,
вся́чески добродетельми́ Бо́гу угожда́я,/ за ны моли́ся, Иоа́нне всече́стне.

Богоро́дичен: Недоуме́ние во спасе́ние предле́жит ми, от обыше́дших мя зол, Пречи́стая./ Те́мже
изба́ви мя от них ско́ро, благоразу́мие подаю́щи,/ к Тебе́ бо еди́ней прибе́гох, Богома́ти.

Ин

Ирмо́с: Разу́ме́х, Всеси́льне,/ Твое́ смотре́ние/ и со стра́хом
просла́вих Тя, Спа́се.

Ве́лие Твое́, Го́споди, смотре́ние во всем ми́ре,/ ему́же усер́дно преда́емся,/ Тебе́ со святы́ми мо-
ля́щися.

Подви́г добр, му́чениче, во страда́нии соверши́в,/ благоразу́мием во стра́се Го́спода прославли́ти
помози́ нам.

Братолю́бне в гонéнии лю́дем Бо́жиим помога́л еси́,/ страх отве́ргий мучи́телей, Иоа́нне:/ страх
напа́стей отве́ржи от нас.

Богоро́дичен: Всеси́льнаго Царя́ Цари́ца и Ма́ти сподо́билася еси́ бы́ти;/ сподо́би ны сла́вити Егó к
нам в ми́лости смотре́ние.

Песнь 5

Ирмос: Свѣта Подателю и веков Творче, Господи, / во свѣте Твоих повелѣний настави нас: / разве бо Тебѣ, иного бѣга не знаем.

Таин Божественных вкусив в разумѣ, Иоанне, / проповѣдь Божия рождѣния исповѣдал еси, глаголя предъ всѣми: / иного бѣга, разве Всетворца, не знаю.

Возлюбившаго Господа любите, – возглагола еси, страсотѣрпче, страждущимъ мученикомъ, / в Егѣже любви утвердився, обогатился еси чудесы, / врачуя болѣзни многия.

Славу мѣра сего ни во чтоже, Богомудре воине, вмени еси, / славы ради Христовы, / темже, страдальчество совершивъ и славы Божественныя сподобився, / намъ получитьи оную молися.

Не убоясь законопреступнаго царя повелѣния, / вмѣсто мукъ христіяны заступаше, / и сокрывахуса твоимъ повелѣниемъ, / и сего ради воинъ бысть ю силамъ.

Богородичен: Тя, Владычице, молимъ, славяще Твое о насъ милосердіе: / всякихъ ны скорбей, Маріе, свободи / и помози утреневати намъ къ Богу и вѣчнаго блаженства сподобитися.

Ин

Ирмос: Отъ нощи невѣденія просвещей концы, / просвети мя утромъ / человеколюбія Твоего, Господи.

Человеколюбче Владыко, просвещай ны в памяти молебней страдальца Твоего / утреневати къ Тебѣ благоговѣиствомъ.

Просветился еси, мучениче Иоанне, благодарованными чудесы, / темъ отъ злыхъ человекъ, тщеты и болѣзни славыящія тя премени.

Светоноснымъ утромъ, побеждая вся душелительныя враги доблественно, / отъ скорбныхъ тмы страстей во светъ радости привлецы ны.

Богородичен: Яже Бога во плоти нашей родила еси, Дѣво Пречистая, / светомъ Небеснымъ осиятися намъ Ему молися, / милость ко всемъ простираючи.

Песнь 6

Ирмос: В бездне греховней валяясь, / неизслѣдную милосердія Твоего призываю бездну: / отъ тли, Бѣже, мя возведи.

Силою Божіею укрепився, мучениковъ славо, Иоанне, / прещений нечестивыхъ небрегъ еси; / ныне же зря радостне Бога, / отъ злыхъ насъ избави.

Молитвами и постомъ и в целомудрии / всякимъ воздержаніемъ Богу угоди еси, всечестне; / свѣше назирая, свободжай ны отъ скорби.

Просимая чествующимъ тя верно, блаженне, подаеши, / злыя человеки обличая, о кающихся же Богу моляся.

Мученическое дерзновение восприимъ, / потщался еси по вере Христовѣ поборати, якоже добрый воинъ, / вооружи себе силою Креста Господня, / отъ Негоже даромъ чудесъ обогатися.

Богородичен: Уврачуй, Богородице, страсти душъ и телесъ нашихъ, / Врача Христа намъ породивши, / и вражие злоковарство посрами милосердіемъ Твоимъ.

Ин

Ирмос: Со Иѣною вопиѣмъ Ти, Господи, / со гласомъ хвалѣнія молящеся: / возведи отъ тли живѣтъ нашъ.

Не престанем моли́ти Тя, Всеще́драго Го́спода,/ подви́жуще с на́ми ве́рнаго во́ина,/ изыма́я от грех, всели́ ны в Небе́сную жизнь.

Хва́лиши, свя́те Иоа́нне, в Вы́шних Бо́га, ве́рно зде служи́в Ему́,/ отню́дуже прибли́жися и нам, тя хва́лящим, во спасе́ние.

Стра́сти Христа́ ра́ди терпе́в, всехва́льне,/ всера́достное блаже́нство получи́л еси́,/ те́мже и на́ша мо́льбы приими́ и введи́ ны в ра́дость.

Ве́лию ве́ру стяжа́л еси́ ко Христу́ Бо́гу,/ вели́ки же и да́ры чуде́с Божество́нных прия́л еси́ от Него́,/ и от де́йствия их прояви́лся еси́./ И ны́не творя́щих твоё пра́зднество и па́мять/ моли́ся Го́сподеви изба́вити от вся́кия ну́жды и печа́ли.

Богоро́дичен: Пречи́стая Де́во, от тле́ния пагубоно́снаго мир спа́сшая,/ от вся́каго зла́го обстоя́ния нас изба́ви.

Кондак, глас 6:

Благочестиваго воина Христо́ва,/ победившаго враги душев-
ныя и телесныя Богому́дренно,/ Иоанна мученика досто-
должно песньми восхва́лим:/ чуде́йствуя бо по́дает обиль-
ная исцеления страждущим лю́дем,/ и молится Госпо́ду
Бо́гу// от всяких бед спасти́ правове́рныя.

Икос:

Кто по́двиги твоя́ и страда́ния ра́ди ве́ры в Го́спода Иису́са/ изрещи́ возмо́жет, прехва́льне Иоа́нне?/ Или́ кии́ми тя увенча́ем похва́лами,/ ра́ди му́жественнаго твоего́ в зако́не Господни и во и́стиннем благоче́стии стоя́ния?/ Попрáл бо еси́ вся ко́зни душеглы́теля врага́,/ целому́дрием и вся́кими добротворе́нии воору́жився;/ бога́тство и сла́ву и по́хоть вре́дную возненави́дев,/ нищету́ и поноше́ние Христо́во возлюбил еси́,/ стра́ждущим в ско́рбех помога́я./ Те́мже, всели́вися в Небе́сныя кро́вы, дарова́нии пресла́вных чуде́с обогати́лся еси́./ Отту́ду ўбо, блаже́нне, вся, притека́ющия к тебе́, назира́й, по́мощи твоя́,/ во е́же от вся́ких бед спасти́ правове́рныя.

Песнь 7

Ирмо́с: Образу злато́му, на по́ли Деи́ре служи́му,/ три́е Твои́
о́троцы небрего́ша безбо́жнаго велéния,/ посреде́ же огни́
вве́ржени, ороша́еми, поя́ху:/ благословéн еси́, Бо́же оте́ц
на́ших.

Безбо́жное мучи́теля законопресту́пнаго велéние, страсотер́пче Иоа́нне, преоби́дев,/ богочестив́
Всемо́гущаго Царя́ во́ин показáлся еси́,/ благодáтне же ороша́еми, с людьми́ Бо́жиими пел еси́:/
благословéн еси́, Бо́же оте́ц на́ших.

Сла́дкое и вели́кое и ра́достное торже́ство ны́не лю́ди Господни облиста́,/ е́же му́чеников
дóблеиший целому́дрый Иоа́нн вообрази́./ То́чит бо цельбы́ моля́щимся ве́рно Го́споду, и́же вызы́-
вают:/ благословéн еси́, Бо́же оте́ц на́ших.

Дерзнове́ние имéя ко Влады́це всех, свя́те Иоа́нне, я́ко бли́жний уго́дник Его́,/ во обстоя́нии на-
па́стей на́ших предста́тельствуй Ему́ о нас/ и помога́й изба́виться нам от грехо́в, да богому́дренно
поём:/ благословéн еси́, Бо́же оте́ц на́ших.

Дерзнове́ние имéя к своему́ Влады́це,/ о нас моли́тву сотвори́, Иоа́нне,/ и проше́ния на́ша ис-
пóлни,/ и грехо́в проше́ния испроси́ нам моли́твами твои́ми, вопию́щим:/ благословéн еси́, Бо́же
оте́ц на́ших.

Богоро́дичен: Пресла́вное соверши́ся та́инство в Тебе́, Богома́ти,/ безсе́менно бо зачала́ еси́ Сы́на
бре́мя грех на́ших упраздни́вшаго./ Те́мже, упова́ние на Тя иму́ще и Твою́ по́мощь зря́ще, усер́дно
вопиём:/ благослове́на еси́, Де́во Влады́чице.

Ин

Ирмос: Вся дела Твоя истинна/ и прави путие Твои,/ Бóже отец наших.

Безмездный врачу Иоанне,/ исцели молитвами твоими недуги и страсти душ и телес Господеви вопиющих:/ благословен еси, Бóже отец наших.

Дело всякия добродетели исправил еси/ и жертву ты Всетворцу возложил еси, вопия:/ благословен еси, Бóже отец наших.

Всеблагодарному Богу в чистоте молитвою и постом угождая, мучениче,/ даждь нам богоугодне звати:/ благословен еси, Бóже отец наших.

Богородичен: Всенепорочная Дéво, Путь и Истину, Христа, рóждши,/ руководи нас в Горнюю жизнь, к Богу отец наших.

Песнь 8

Ирмос: Пещь иногда огненная в Вавилоне действия разделяше,/ Бóжиим велением халдеи опаляющая,/ верныя же орошающая, поющая:// благословите, вся дела Господня, Господа.

Вышних ищай, на земли прелести возненавидел еси, Богоблаженне./ Тémже, с мученики Христовыми в любви духовней соединився,/ дерзновенно Богочеловека Иисуса проповедал еси, о Немже зовещи:/ благословите, вся дела Господня, Господа.

Неоскудно требования подавая,/ нищим был еси готовый питатель, войне благочестивомудренне Иоанне./ И ныне, притекающая к тебе назирая, исполни тех прошения, да радостно зовем:/ благословите, вся дела Господня, Господа.

Всезритель Бог, усердие твое, Иоанне, и совершенную веру виде, прослави ты славою вечною./ Егóже моли в пользе ущедрити ны, богомудренно поющая:/ благословите, вся дела Господня, Господа.

Моления наша прими, ныне приносимая тебе, праведному страстотерпцу./ Тебе бо даде Господь чудесем дарование/ подати просящим верно прошения и превозносящим Христа во веки и поющим:/ благословите, вся дела Господня, Господа.

Богородичен: Мариe Богоневесто, к Тебе прибегаем и Тебе, припадающе, молимся:/ виждь, Владычице, скорбь нашу и озлобление от враг наших/ и умири жизнь всех нас, Миротворца породивши Господа,/ Егóже благословим во веки.

Ин

Ирмос: Царя славы и Победителя смерти,/ Иисуса Назорея,/ Того превозносите во вся веки.

Царю Небесный, победу на силу вражью святому Твоему мученику даровавший,/ даруй и нам во избавление от нужд славити Тя во вся веки.

Царя Господа радостно, блаженне, в Вышних узрел еси,/ молися, да мы чистым сердцем Егó превозносим во вся веки.

Царюяй во Христе войне,/ вся варвары победи и злокозненные разоры на нас советы,/ да превозносим Господа во вся веки.

Царю царствующим и Господу господствующим воин изряден показася/ и с праведными венцем венчася нетленным от руки Вседержителя Господа.

Богородичен: Царице Всемощная,/ Царя и Бога матерски моли,/ да вездé Егó превозносим и Тя, Госпожу, поем во вся веки.

Песнь 9

Ирмос: Безначальна Родителя Сын, Бóg и Господь, / во-
плóщся от Девы, нам явись, / омраченная просветити, собра-
ти расточенная. // Тем Всепетую Богородицу величаем.

Добр явился еси пособник, преславне, людем Божиим, гонимыя сокрывая, / и ныне чудесне помо-
ществуйеши верным, / сего ради в памяти благодетель твоих Христа Бóга величаем.

Твоя чудеса, преблаженне Иоанне, во всем мире проповедаются; / темже и днесь, собравшися,
славу возсылаем Христу, тебе прославльшему.

Нас, восхваляющих тя, мучениче Христов, / и твоея помощи просящих, днесь услыши, / и к по-
лезным управляти не претай, / молитвенник теплейший и ходатай к Бóгу нашему являйся.

Изряден врач сердец человеческих чудотворение явился еси, Иоанне, / помоществуя всем богочес-
тивым; / тем, воспевающе тя, Христа величаем.

Богородичен: Пети, Дево, Ты не престаем, / Помощницу, покров, скорое заступление и Пред-
стательницу нашу непостыдную; / соблюди Твоя рабы от всякаго озлобления / и от козней лукаваго
свободи присто.

Ин

Ирмос: Служитель безплотный предста, глаголя Благо-
датней: / Господь с Тобóю! / Юже величаем.

Господи сил, буди с нами, / укрепляя иерархи, иереи же и вся люди Твоя, молитвами святого спа-
сая, / да благочестно Тя и Богородицу непрестанно вси величаем.

Молись, святе Иоанн, Бóгу в Троице, / да удостоит верующия во Имя Его / богомудренно, яко Все-
творца, присто величати.

Твою память совершающая, Господень угодниче, / представ, от печалей свободи и напои радости, /
во еже с Богоматерию Господа величати.

Аще и на земли воинство оставив, но Небесному Царю воин наречеся Христов, / лукавых находы
вспять возвращая и верным прося грехов прощения. / Темже, Иоанне блаженне, ты воспевающе,
Христа величаем.

Богородичен: Облагодатствованная Марие, / призри на вся люди Твоя милостию, / да Ты безконечно
в радости величаем.

Светилен.

Подобен: Со ученики:

Венчосче святе, предстой со Ангелы Христову Престолу / и света отуду исполняйся, страсто-
терпче, / мир миру молитвами твоими исходатайствуй / и нам спасение, благочестно память твою
совершающим / и в скорбех притекающим к тебе, Иоанне всебогате.

Слава Отцу, и Сыну, и Святому Духу.

Подобен: Небо звездами:

Познанием себе самаго познал еси Всетворящую Вину, Бóга, / в Негоже и уверовал еси / и, Того
исповедав, просвещаяши мир чудесы, Иоанне Богоблаженне.

И ныне, Богородичен: Во чреве Твоем Господь, погибающий мир от тления призвати восхотев, /
якоже ведяше, вселися, Богородице. / Спасение убо вси обретше, вопием Тебе: / радуйся, Все-
петая Дево, породивши радость всей вселенной, / обрадуй и нас, от врагов злодейства хранящи все-
гда.

Подобен: Вся отложивше:

Напева Седмиезерской Пустыни

Излож. Г.Смирнова.

① Хвалите Его на силах Его,

Т. I
Т. II

хва-ли-те Е-го по мно-жест-ву ве-ли-чест-ви-я Е - го.

Бар.
Б.

Стра-да - ни - я видев добропо - бед-ных му - че - ни-ков,

дерз - новения Божественного ис - пол - нив-ся, не у - бо - ял -

ся еси мучителя, зло - чес - ти - ва - го - ца - ря, но, со у -

сер-ди-ем к ним при-шед, на под - виг у-креп-

лял е - си их. С ни - ми - же молися Господу, страдальче И - о -

ан - не, спас - ти - ся ду - шам на - шим.

2) Хвалите Его во гласе трубнем,

хва - ли-те Е-го во псал-ти - ри и гус - лех.

Плоть с кро-ви-ю па - да - ю-щу ви-дя мно - гих свя-тых,

от без-за-кон - на - го царя Иулиа - на страж - ду-щих

за Хри - ста, Бо - га на - ше - го,

сим, бла-жен-не, во узах и злостраданиях по-мо-гал е - си,

бла-го - ю бе-се-до-ю у-те-ша - я, да на-деж-ды

бла-ги-я не от-па-да - ют, но да о-жи-

да - ют бу-ду-ща-го воз-да-я - ни-я

и вен-цев Не-бес-ных ра-до-ва-ни-я.

3 Хвалите Его в тимпане и лице,

хва-ли-те Е-го во стру-нах и ор-га - не.

Тер-пе - ни-ем тво-им, И-о-ан-не все-хваль - не,

мзду стя-жал е - си, ду-шу тво-ю всех Вла-ды-це в ру - це

пре-дав, и от Не-го да-ровании чудес обо-га -

тил - ся е - си. Мо - ли у - бо Хри - ста Бо - га

о чтущих любовью свя - ту - ю па - мять тво - ю.

④ Хвалите Его в кимвалех доброгласных, хвалите Его в кимвалех восклицания.

Вся-ко-е ды-ха-ни-е да хва - лит Гос - по - да.

Зре - ти тя спо-до - би-ся же-на бла-го-чес-ти - ва-я,

ей - же ты, стра - даль - че, я - вив - ся,

по-велел еси честная твоя мо-щи про-сла - ви-ти,

та - я же с радос-ти - ю си - я при - ем - ши,

с мир - ны - ми бла - го - у - ха - ни - и цер - кви пред - ло -

жи. Мо-ли - ся, стра-даль-че, Хри-сту Бо -

гу, и певцем твоим подати ве - ли - ю ми - лость.

НА ХВАЛИТЕХ СТИХИРЫ НА 4, ГЛАС 6.

Подобен: Всю отложивше:

Страдания видево добропобедных мучеников, / дерзновения Божественнаго исполнився, / не убоялся еси мучителя, злочестиваго царя, / но, со усердием к ним пришед, / на подвиг укреплял еси их. / С нимиже молися Господу, страдальче Иоанне, // спаси́ся душам нашим.

Плоть с кровию падающею / видя многих святых, / от беззаконнаго царя Иулиана страждущих / за Христа, Бога нашего, / сим, блаженне, во узах и злостраданиях помогал еси, / благою беседою утешая, / да надежды благия не отпадают, / но да ожидают будущего воздаяния / и венцев Небесных радования.

Терпением твоим, Иоанне всехвальне, / мзду стяжал еси, / душу твою всех Владыце в руке предав, / и от Него дарования чудес обогатился еси. / Моли́ убо Христа Бога / очтущих любовью святую память твою.

Зрети тя сподобися / жена благочестивая, / ейже ты, страдальче, явился, / повелел еси честныя твоя мочи прославити, / та же с радостью сия приемши, / с мирными благоуханиями церкви предложи. / Моли́ся, страдальче, Христу́ Богу, / и певцем твоим подати велию милость.

Слава, глас 5. Подобен: Вострубим:

Стецемся верою, и любовью возопиим празднственная, / и ликуим, радуящися, / в настоящее торжество Христова воина, Иоанна прехвальнаго; / православнии людие да стекутся / и лица архиерейстии да воспоют песньми / страдальческое празднество, воинства ангельская да веселятся зряще. / Того бо вемя в бедах предстаителя / и унывающим истинное радование, / нищих обогатителя, и во всех находящих лютых утешителя, / и вся везде тепле предваряюща. / Емуже ныне сице рцем: / воине Христов Иоанне, // спаси́ верою притекающая ко священному храму твоему молитвами твоими.

И ны́не, Богоро́дичен, глас то́йже:

Вострубим трубою пѣсней:/ преклониши бо ся свыше, Всецарица Мати Дѣва/ благословѣнии венчает воспѣвающия Ю./ Людие да стекутся и Царице да воспещут в песнях, Царя рождшей,/ Иже смертию первее держимыя разрешити человеколюбно благоволи./ Пастырие и учителяе, Добраго Пастыря Пречистую Матерь, сошедшеся, восхвалим:/ свѣщник златозарный, светоносный облак,/ небес пространнейшую, одушевленный кивот,/ огнезрачный Владычень престол,/ манноприемную златую стамну, затворенную Слова дверь,/ всех христиан прибежище,/ пѣснями благоглаголивыми похваляюще, сѣце рцем:/ Палато Слова, сподоби смиренныя ны Небеснаго Царствия, // ничтоже бо невозможно ходатайству Твоему.

Славословіе великое. И отпуст.

НА ЛИТУРГИИ

Блаженны от канона 1-го песнь 3-я, на 4 и 2-го канона песнь 6-я, на 4.

Тропарь, глас 4:

Всеблагаго Бѣга и Царя/ благоверный раб и воин явился еси, Иоанне чудодѣтелю:/ пострадав бо ради веры мужески,/ блаженно же скончав течѣние,/ зриши Всетворца Господа в Небесех светлейше./ От Негоже прием дарованіе чудес,/ страждущим человеком во всяких напастех помогаеши:/ укрепляеши воины в ратех:/ от врагов пленения, ран же и внезапных смертей/ и от бед лютых изымаеши./ Темже моли Владыку Христа, приснопамятне,/ да во всяком обстоянии сотворит нам милость,/ и не введет нас во искушения,/ но спасет души наша, // яко Человеколюбец.

ин тропарь мученика, глас 8:

Блаже́нство Ева́нгельское, Богомудре Иоа́нне,/ чистоту́ се́рдца девством почти́л еси́./ Те́мже суету́ ми́ра сегó пренебре́г,/ устреми́лся еси зрети Бо́га,/ Иже ты прослави чудесы во врачевании различне стра́ждущих,/ сегó ра́ди мо́лим ты, проси́ нам у Христа Господа всяких скорбей избавле́ния// и получе́ния Ца́рства Небе́снаго.

Кондак, глас 6:

Благочестиваго воина Христо́ва,/ победившаго враги душевныя и телесныя Богому́дренно,/ Иоанна мученика досто́жно песньми восхва́лим:/ чудодействуя бо подает обильная исцеления страждущим лю́дем,/ и молится Господу Бо́гу// от всяких бед спасти́ правове́рныя.

Ин конда́к, глас 3:

Вели́кая ско́рбным лю́дем ра́дость в беда́х обрета́ешия,/ чудотво́рче Иоа́нне,/ вся́кия бо стра́сти моля́щим ты врачúеши,/ исполня́я их проше́ния./ Те́мже и ны́не моли́ Го́спода,// да спасе́т ны в ми́лости Свое́й.

Прокі́мен, глас 7: Возвеселі́тся пра́ведник о Го́споде/ и упова́ет на Него́. **Стих:** Услы́ши, Бо́же, глас мой, внегда́ моли́ти ми ся к Тебе́.

Прича́стен: В па́мь вѣчную́ бу́дет пра́ведник: